



Senin, 22 Agustus 2022

Ogen: Amos 5:14-24



Keadilen Erburak-burak



Merdeka hanya sebuah jembatan. Walau jembatan emas, di seberang jembatan itu jalan pecah dua: satu ke dunia sama rata sama rasa, satu ke dunia sama ratap sama tangis. Enda sada belas-belas kerna kemerdekaan, kebebasan i bas penjajah nari, si iperingeti bangsata Indonesia i bas bulan Agustus enda, lit sada perenungen eme, kuga nge ulih kemerdekaan ndai? Tuju nge rayat si rulo enda enggo ngenanami ras ndatken erti ras makna kemerdekaan e? Arusna bangsa si radu ras erjuang guna sada kata 'merdeka' min radu ras ka min ngenanami kerina kiniulin sebage ulih kata merdeka enda. Tapi i bas kinatana si e ndauh denga i bas arapen.

Kecibal si enda pe igejabken nabi Amos kuga kegeluhen bangsa e la sitik jadi kinilabujuren, kinilaadilen. Lit si ngenanami kesejahteraan, kebayaken tapi i bas dampar sideban lit si kelsehen, serko ras ngenanami si la uli i bas teman sebangsana nari. La lit i je *sama rata ras sama rasa*. Amos pang mandang kalak si ngelakoken sie, nina, kalak si ngelakoken si la adil ras la bujur, persembahenna pe ciga kepe ate Dibata. Kebujuren arus erburak i tengah-tengah bangsa e, inanami, igejabken ras ialoken kerina bangsa e. Sabap kemerdekaan e labo sikerajangen kalak tertentu saja ngenca. Kebebasen, labo milih ise atena ibebasken. Sabap kegeluhen bangsa e pelin-pelin erkiteken perkuah ate Dibata. Dibata me si nggo mbebasken bangsa enda i bas, emaka pedah si isehken Dibata maka saph-saph teman sebangsa arus ia si sampat-sampaten. Bage pe i tengah-tengah bangsata Indonesia enda, min kata merdeka e la terjeng belas-belas tapi tuju-tuju suasana si inanami kerina kalak alu la erdobahen alu dem pengataken bujur.

Buat baginta erjuang nehi keadilan ras kebujuren ibas geluhta